



Nukilan
Noraishah Nurul Fatwa Mohd Razali
Guru Bahasa Kanan
Pusat Bahasa Moden (PBM)
Universiti Malaysia Pahang Al-Sultan Abdullah (UMPSA)



Karya Kreatif

Ramadan di Kala Gerhana

Di dada malam Ramadan yang hening,
Bulan bersembunyi di balik bayang takdir,
Merahnya bukan luka alam yang berdarah,
Tetapi isyarat langit yang berbisik zikir.

Gerhana bukan gelap tanpa makna,
Ia tirai rahsia Sang Pencipta,
Menyapu angkuh dari dada dunia,
Menyiram jiwa dengan rasa hamba.

Ketika cahaya bulan perlahan pudar,
Doa mengalir dari bibir yang tawar,
Menghitung dosa di telapak sujud,
Memohon rahmat yang tak pernah kabur.

Ramadan, laut ampunan yang dalam,
Menenggelamkan dosa dalam sunyi malam,
Membawa hati pulang ke pangkuan iman,
Saat gerhana mengajar erti ketundukan.

Wahai jiwa yang masih mencari arah,
Lihatlah langit menulis hikmah,
Gerhana dan Ramadan bertemu makna,
Bahawa kasih Tuhan tak pernah sirna.



Kejuruteraan • Teknologi • Kreativiti

Study@UMPSA

[Creative Work](#)

Ramadan di Kala Gerhana

6 March 2026

- 27 views

[View PDF](#)